

¡BOMBA!

Como aquel pacto de antaño,
se llegó a acuerdo este día:
seguirá la carestía
por lo que queda del año



K'untzil

Martes 13 de mayo de 2025

CAMPECHE · YUCATÁN · QUINTANA ROO · AÑO 10 · NÚMERO 2474 · www.lajornadamaya.mx

Colombiae' tu jets'aj u béeytal u certificarta'al u síijil chaambal tumen xk'am paalal ti' jayp'éel kaajo'ob



Ts'íib yéetel oochel Efe / p 31

U Registraduría Nacionalil Estado Civil de Colombia tu jets'aj le lunes máanika', u béeytal u certificarta'al u síijil chaambal tu lu'umil tu'ux yaan jaytúul xk'am paalo'ob yéetel máasewal jala'acho'ob, le je'ela' jump'éel k'a'anan ba'al ti'al u yantal legal ju'uno'ob je'ex le ku ts'áak registro civil.

Ti' k'a'aytajil ts'íibe', tsola'ab le ba'ax jets'a'abo' táan u kaxtik

“u ts'aatáantik ba'ax k'a'abéet ti' le kaajo'obo', ti'al ka yanak bix u certificarta'al kuxtal ku yanta te'elo', yéetel ti'al u tse'eel ba'ax k'atik u beel máak ti'al u ts'íibta'al u k'aaba' paalal tu táan registro civil”.

“Beey túuno', táan u chíimpol'ta'al u páajtalil le kaajo'obo', ti'al ka yanak u serviciosil le lu'um ti'obo'”, tu ya'alaj máax jo'olbesik Registro Civil,

María Cristina Manzano.

Tu noj lu'umil Colombiae', xk'ampaalale' ko'olel suuka'an u k'amik u chaambal yéetel ku yáantik yo'om ko'olel ti' mejen, máasewal yéetel afrocolombianoil kaajo'ob, tu'ux ma' uts k'ucha'anil u mola'ayilo'ob toj óolal. Úuchben meyaj le u kanmajo'obo'.

Yéetel ba'ax jets'a'abe', Registraduría Nacional táan u

ts'áak u páajtalil u certificarta'al paalal ku síijil ti' jayp'éel u kaajilo'ob Nariño, tu costail Pacífico, beyxan ti' máasewal jala'acho'ob ti' kaajo'ob táakano'ob Consejo Indígena Territorio Mirití Amazonas.

Páajtalile' ku k'uchul yiknal máasewal máako'ob ti' u múuch'kabil Organización Indígena Wiwa Golkushe Tayrona, ti' u caribeil kaajo'ob Magdalena yéetel La Guajira.